

Sokrates

D hm
Sokrates war echt e cooler Typ geweehn,
G A
er lebte im antike Athen,
es Orakel von Delphi hat iwwa ihne gemennt,
er wär de klügschte Kerl denne ganz Griechenland kennt.
Do hat er sich gedacht das ist doch kääs,
ich weeß doch nur das ich nix wääs!

Er iss immer uff die Stroß raus gang,
unn hat mit der Leit se sproche angefang,
er hat sich nämlich dodebei gedacht,
hat jemand Antwort uff sei Froohe,
do iss er schachmatt,
so wollt er prüfe ob es Orakel recht hat,
un hat sich dodemit nit nur Freunde gemacht.

Er hat sich im Gespräch immer ziemlich konzentriert,
hat sich nie für e freschi Ironie geniert,
so e Gespräch mit ihm war oft lang gewehn,
unn war ach bestimmt für die Leit nit immer scheen gewehn.
Er hott do e System klar was sunscht,
sei Methode war die geistische Hebammenkunscht.

Das hott er von seiner Mudda, die war Hebamm gewehn,
und irgendwie fand er denne Beruf wohl scheen,
zu ihrer Kunscht gabs ään Unnerschied nur,
sie machts uff die körperlich, er uff die geistisch Tour,
bei ihm lernte die Leit sich selwer se belehre,
sie musste nur die in ihnen schlummernde Erkenntnis gebähre.

Awwa irgendwann hat ma dann von ihm gesaat,
er tät die Götter leugne unn hat ihne angeklaacht.
Driwwerhinaus die Juchend verderwe,
ei dodefir do sollt de Sokrates sterbe.
Er hott kä Anwalt er hat sich selbscht verteidigt,
dodebei die Richter uff e elegandhi Art beleidigt,
er dacht ihm würd wohle eher e bisje Kohle winke,
dodefir musst er de Schierlingsbecher trinke.

Damit sei Idee in Erinnerung bleiwe,
fing Platon aan iwwa ihne se schreiwe,
Platon war wohl ziemlich fertig geweehn,
konnt bestimmt e zeitlang die Welt nit verstehen,
do töte mir de greschte Philosoph,
ach, was sinn mir Grieche doof!

Sei Schüler die hann dann Schule gegründet,
iss awwa nit unbedingt nur in Erfolg gemündet,
do gabs zum Beispiel die Askete,
also ich tät do eher da CDU beiträte,
unn dann noch die Hedoniste,
als wenn die irgendwas besser wisste,
und schließlich Platons Akademie,
do lernte ach schon das nächste Genie,
ich glaab er hott e ziemlich groß Fress,
se nannte ne Aristoteles.